

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10.stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 14-1074-3/20. od 08.09.2020.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktorica Melisa Alibašić Hadžić, dipl.pravnik (u daljem tekstu: Ugovorni organ)

2. **JAVNA USTANOVA „ZAVOD ZA JAVNO ZDRAVSTVO KANTONA SARAJEVO“**, ul. Mustafe Pintola br. 1., Ilidža-Sarajevo, registrovan kod Kantonalnog suda u Sarajevu pod brojem UF/I-1807/99 od 04.09.1999.god. (registarski broj subjekta upisa 3-15), identifikacijski broj kod Porezne uprave FBiH Kantonalni ured Sarajevo 4200329950003, koga zastupa Direktorica Aida Pilav, prof.dr.med.sci.(u daljem tekstu: Vršilac usluga),

Dana 08.09.2020.godine, zaključuju

UGOVOR O VRŠENJU USLUGA

Član 1.

Vršilac usluga se obavezuje da za Ugovornog organa kontinuirano vrši **usluge sanitarnih, odnosno zdravstvenih pregleda zaposlenika**, u skladu sa svojom Ponudom broj: 05.12.101-5203/20 od 07.09.2020.godine i zahtjevom Ugovornog organa, broj: 14-1074-1/20 od 02.09.2020.godine.

Član 2.

Usluge sanitarnih, odnosno zdravstvenih pregleda zaposlenika Ugovornog organa, Vršilac usluga će obavljati u skladu sa Zakonom o zaštiti stanovništva od zaraznih bolesti („Službene novine Federacije BiH“ br. 29/05) i Pravilnikom o načinu obavljanja zdravstvenih pregleda osoba pod zdravstvenim nadzorom („Službene novine Federacije BiH“ broj: 20/08).

Član 3.

Ukupna ugovorena vrijednost predmetnih usluga, sa uračunatim popustom, iznosi **4.060,00 KM**.

Član 4.

Cijena sanitarnog, odnosno zdravstvenog pregleda **za zaposlenike Službe ishrane, Službe zdravstvene zaštite i njege i Službe servisnih usluga** Ugovornog organa, koji na svojim radnim mjestima dolaze u dodir sa namirnicama, **po jednom pregledu iznosi ukupno 25,00 KM**.

Sanitarni, odnosno zdravstveni pregledi za zaposlenike službi iz stava 1.ovog člana obuhvataju slijedeće:

- ljekarski pregled na zarazne bolesti koje se mogu prenositi namirnicama, odnosno pitkom vodom i na gnojna oboljenja;
- uzimanje materijala i bakteriološki pregled brisa nosa i grla na piogeni stafilokok i betahemolitički streptokok grupe A (kliconoštvo);
- uzimanje materijala i bakteriološki pregled stolice na salmonеле i šigele (kliconoštvo) i uzimanje materijala i laboratorijski pregled stolice na crijevne parazite (parazitonoštvo).

Ovaj sanitarni, odnosno zdravstveni pregled će se obaviti dva puta godišnje, odnosno svakih šest mjeseci za ukupno 60 zaposlenika, i to 20 zaposlenika u Službi ishrane, 38 zaposlenika u Službi zdravstvene zaštite i njege i 2 zaposlenika Službe servisnih usluga.

Član 5.

Cijena sanitarnog, odnosno zdravstvenog pregleda za ostale zaposlenike Ugovornog organa u drugim službama, po jednom pregledu iznosi ukupno 20,00 KM.

Sanitarni, odnosno zdravstveni pregled za ostale zaposlenike Ugovornog organa obuhvata slijedeće:

- a) ljeakarski pregled na zarazne bolesti koje se mogu prenositi namirnicama, odnosno pitkom vodom i na gnojna oboljenja;
- b) uzimanje materijala i bakteriološki pregled brisa nosa i grla na piogeni stafilokok i betahemolitički streptokok grupe A (kliconoštvo).

Ovaj sanitarni, odnosno zdravstveni pregled će se obaviti jednom godišnje za 53 zaposlenika.

Član 6

Ugovorne strane su saglasne da sanitarni, odnosno zdravstveni pregled zaposlenika iz člana 4. i 5. ovog Ugovora obuhvati i rendgensko snimanje pluća, ako se na osnovu ljeakarskog pregleda ili epidemiološke indikacije posumnja na tuberkulozu pluća, po cijeni od 10,00 KM po jednom snimku.

Cijena usluge rendgenskog snimanje pluća ne ulazi u ukupne cijene usluga, utvrđene u članu 4., i 5. ovog Ugovora.

Usluga iz stava 1. ovog člana će se izvršiti u Zavodu za zdravstvenu zaštitu radnika u saobraćaju, ul. Kolodvorska bb, Sarajevo.

Član 7.

Ugovorne strane su saglasne da se u periodu važenja ovog Ugovora, jedinične cijene usluga precizirane članovima 4., i 5. ovog Ugovora, neće mijenjati.

Član 8.

Ukoliko sanitarni pregled treba izvršiti za najmanje 10 zaposlenika, ugovorne strane su saglasne da se usluge sanitarnih pregleda zaposlenika izvrše u prostorijama Ugovornog organa, uz prethodni dogovor, na osnovu prethodno dostavljenog spiska zaposlenika Vršiocu usluga i pod uslovom da se osigura adekvatan prostor za sanitarni pregled.

Ukoliko sanitarni pregled treba obaviti manje od 10 zaposlenika, isti će se izvršiti u prostorijama Vršioca usluga, u Ambulanti za sanitarne preglede u ulici Avdage Šahinagića br. 10. , svaki radni dan u vremenu od 8.00 do 12.00 ili u Mikrobiološkom laboratoriju Doma zdravlja „Ilidža“, svaki radni dan, u vremenu od 8,00 do 12,00 sati, a na osnovu prethodno dostavljenog spiska zaposlenika.

Član 9.

Ugovorne strane su saglasne da se usluge sanitarnih pregleda zaposlenika vrše kontinuirano, prema planiranoj dinamici Ugovornog organa, na osnovu prethodnog dogovora sa Vršiocem usluga o terminima obavljanja istih, a u slučaju nastanka potrebe za hitnim uslugama, koje se nisu mogle unaprijed planirati, izvršilac usluga se obavezuje da će iste izvršiti odmah.

Član 10.

Vršilac usluga se obavezuje da nalaze pregleda za svakog pojedinog zaposlenika, sa eventualnim prijedlogom mjera, odnosno sanitarne knjižice, izda u roku od 3 do 7 dana, od dana uzimanja materijala, zavisno od zdravstvenog nalaza mikrobiološkog laboratorija Vršioca usluga.

U slučaju pozitivnog nalaza zaposlenika (na betahemolitički streptokok iz grupe A, enterotoksični stafilokok, šigeloze, salmoneloze i sl.), zaposlenika preuzima higijensko-epidemiološki tim Vršioca usluga, do obeskličenja.

Ponovni nalazi rade se gratis.

Član 11.

Ugovorne strane su saglasne da se nakon izdavanja, sanitarne knjižice zaposlenika sa urednim nalazima, dostave od strane ovlaštenog lica Vršioca usluga i iste preuzmu u prostorijama Ugovornog organa od strane ovlaštenog zaposlenika.

U slučaju pozitivnog nalaza, zaposlenik upućen na ponovni sanitarni, odnosno zdravstveni pregled, lično preuzima izdatu sanitarnu knjižicu, u prostorijama Vršioca usluga.

Član 12.

Ugovorni organ se obavezuje da plaćanje Vršiocu usluga po ovom Ugovoru vrši putem njegovog računa, otvorenog kod UniCredit bank dd Sarajevo, broj 3389002208131096, i to najkasnije u roku od 30 dana od dana prijema fakture ispostavljene za sve usluge izvršene u prethodnom mjesecu.

Ugovorne strane su saglasne da se plaćanje vrši zbirno mjesečno za sve usluge izvršene u toku prethodnog mjeseca, te da svaku izvršenu uslugu prati odgovarajući dokument.

Plaćanje će se vršiti u KM.

Za svako kašnjenje u plaćanju Ugovorni organ se obavezuje da Vršiocu usluga pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

Član 13.

Ovaj Ugovor se zaključuje na period od jedne godine, a primjenjuje se od dana obostranog potpisivanja.

Član 14.

Ugovorne strane mogu ovaj Ugovor raskinuti pismenim putem i prije njegovog isteka, ukoliko se neka od ugovornih strana ne bude pridržavala njegovih odredaba, uz prethodno izmirenje svih obaveza nastalih po osnovu ovog Ugovora.

Član 15.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 16.

Ugovorne strane se obavezuju na pridržavanje zakonskih i podzakonskih propisa, čuvanja poslovne tajnosti, pridržavanja poslovnih običaja, te zaštitu ličnih podataka zaposlenika Ugovornog organa.

Član 17.

Izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 18.

Eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 19.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

VRŠILAC USLUGA:  
Broj: 05-14-110-1-2020
Sarajevo, 11.09.2020.

UGOVORNI ORGAN:  
Broj: 14-1074-4/20
Sarajevo, 08.09.2020.god.